

Kölsche Vita zwesche Uni und Ring
em Kwartier Lateng es alles drin
räts un links vun d'r Zülpicher Stroß
do es Levve do is jet loss
he weed dir `su noh Hätzensaat
`su manches vör de Schwaad jesaat
he fingste ihrlich Sunnesching
villeich vum Levve ´ne Sinn

**Mer hört et mer weiß et et steiht an d'r Wäng
zwesche Uni und Ring is et Kwartier Lateng
he em Veedel ben ich zo Huus
he drage `se mich nur noch eruß
Mer hört et mer weiß et et steiht an d'r Wäng
zwesche Uni und Ring es et Kwartier Lateng**

Mähste `ne Jöck rund öm de Welt
küsste zoröck janz ohne Jeld
jeihs do dann en et Kwartier
un fings hinger jeder Dür
wat de nit jefunge häs en d'r Welt
för dat velle schöne Jeld
dann steihs do bei Manni beim Pitter beim Fred
und denks wie joot et d'r jeiht

Mer hört et mer weiß et et steiht an d'r Wäng

Alles kanns do kaufe em Kwartier
Klamotte Pizza un vill Bier
nur keine Parkplatz vör d'r Dür
vun morjens bes naaks öm vier
un parks dann op d'r nächste Eck
noher es et Auto weg
einfach `su us d'r Lameng
affjeschlepp us em Kwartier Lateng

Mer hört et mer weiß et et steiht an d'r Wäng

Kölsche Vita zwesche Uni und Ring
em Kwartier Lateng es alles drin
räts un links vun d'r Zülpicher Stroß
do es Levve do es jet loss
he weed dir `su noh Hätzensaat
`su manches vör de Schwaad jesaat
he fingste ihrlich Sunnesching
villeich vum Levve ´ne Sinn

Mer hört et mer weiß et et steiht an d'r Wäng